

1665.

1310 d. 20 Apr.

Nyköping.

Hertig WALDEMARS skyddsbref för Linköpings Domkyrka, med försäkran, att under Biskop Carls bortovaro svara för hennes angelägenheter.

B. 3: 4. v.

Omnibus presentes litteras inspecturis WALDEMARUS dei gracia dux sweorum salutem in domino sempiternam. Licet ecclesia lincopensis quam progenitores nostri illustres fundauerant. libertates et priuilegia semper huc usque habuerat nos tamen ipsam et iura sua cum personis familiis ac aliis omnibus ad eandem pertinentibus in nostram proteccionem et tutele gratiam recipimus specialiter in absencia Reuerendi patris domini karoli ibidem nunc episcopi offerentes nos pro ipsa et ad ipsam spectantibus quo ad premissa omnia paratum et wluntarium responsalem In cuius Rei testimonium sigillum nostrum presentibus est appensum Datum Nicopie anno domini M CCC X^o. secunda die pasche.

I brüdden: Waldemar dux exhibet se ecclesie responsalem.

1666.

1310 d. 26 Apr.

Wiksta.

Arkebiskopen Nils KETTLSSONS i Upsala bref på 40 dagars aflat för botgörare, som vissa dagar besöka Predikarebrödernas kyrka i Sigtuna.

A. 3. c.

Omnibus presentes litteras Inspecturis, NICOLAUS diuina miseracione Archiepiscopus vpsalensis, salutem in domino sempiternam, Quoniam ut ait apostolus, Omnes stabimus ante tribunal christi, recepturi prout in corpore gessimus siue bonum fuerit siue malum, oportet nos diem messionis extreme misericordie operibus preuenire, jd quoque seminare in terris, quod red-dente domino, multiplicato fructu recolligere valeamus in celis, firmam spem, fiduciamque tenentes, quoniam qui parce seminat parce et metet, et qui seminat in benediccionibus de benediccionibus et metet vitam eter-nam, Cupientes jgitur, ut Ecclesia fratrum ordinis predicatorum sictonie, in honorem gloriose virginis Marie consecrata congruis honoribus frequen-tetur et a christi fidelibus iugiter veneretur Omnibus vere penitentibus et confessis, qui ad dictam Ecclesiam, jn festis beate virginis, videlicet, As-sumpeionis, Annunciacionis, Natiuitatis et Purificacionis, et festis beatorum Petri martyris, ac dominici et Augustini confessorum, nec non et in celebritate dedicacionis ipsius ecclesie, ac festis sancte Crucis videlicet, Inuen-cionis et Exaltacionis, causa deuocionis accesserint, et sollempnitati deuo-cione debita interfuerint, De omnipotentis dei misericordia, et beatorum Petri et pauli apostolorum eius, auctoritate, ac beatorum martirum, Lau-

rencii et Erii meritis confisi, Quatraginta dierum indulgencias die quolibet premissorum, de iniunctis sibi penitenciis misericorditer in domino relaxamus. In Cuius rei Testimonium sigillum nostrum presentibus est appensum, Datum apud ecclesiam wixtadhe, anno domini M^o CCC^o decimo, Dominica Quasi modo geniti.

På fränsidan. Indulgence episcoporum in precipuis festis.

Sigillet bortfallet från den ur brefvet klipta remsan.

1667.

1310? Odateradt.

Ärkedjeknen Olofs redogörelse för dess uppbörd af Ärkebiskops-tionden i Attundaland.

A. 7. a. *).

Me OLAUO archidyacono vpsalensi procurante decimas archiepiscopales per attundiam de mandato Capituli vpsalensis, Primo anno misi in gutlandiam, cum Johanne Ottason, XIII. lesta annone cum dimidia que vendite sunt in Wisby, pro viginti octo marchis, et quatuordecim solidis argenti puri, et octo marchis gutensis monete, quas commisi domino Mathie canonico vpsalensi, Item in secundo anno misi Wisby per eundem Johannem ottason Quatuordecim lesta annonas de vtby et sæhundære, et de aker sedecim lesta, que eciam vendite sunt in Wisby pro quinquaginta septem marchis cum duabus oris argenti, quas similiter commisi domino Mathie canonico vpsalensi, Item commisi domino canonico vpsalensi in stocholm Triginta sex lesta annone cum dimidia, et quatuordecim modios annone. De colonis domini mei archiepiscopi in parochia aker recepi decem et octo marchas denar., cum quatuor solidis de pecunia que dicitur afrad, Item recepi de colonis in løstum decem marchas cum dimidia, et quinque solidos denar. cum antiquo debito, Item recepi de colonis in munzø Triginta vnam marchas cum dimidia et vndecim denarios Item de colonis de morgha iuxta fløtasund quatuordecim oras denar., Item recepi de domino johanne de loon monetario in stocholmis sex marchas denar., pro curia domini mei archiepiscopi prope stocholm sita karlaby nuncupata quam conduxit, Item vendidi quindecim cutes bouinas, que remanserunt in løstum de mortalitate pecorum pro quinque marchis, Item vendidi stocholmis quatuordecim lesta annone pro viginti octo marchis denar. que eciam venerunt de løstum, Item vendidi duas lesta annone stocholmis, pro quindecim marchis denar., Item recepi de domino ømundo in odhinshargh de cathedratico octo marchas denar., et de domino Rangnero in Lennum eciam de cathedratico quatuor marchas denar., Item vendidi vnam lestam annone que venit de alseke et

*) Ur en af Uplands Lagman Birger Pehrsson m. fl. utgifven vidimation af d. 17 Maj 1310.